

Loke tin papia eyfor den pueblo di Carnaval: Incapacidad di organizadornan nobo!

Organizadornan nobo di Carnaval a privatiza Festival di Tumba

Robert Jeandor ta desapunta y lo no participa den festival di tumba

Den weekend, tabata tin hopi comentario, despues cu Robert Jeandor a papia diasabra mainta via Top 95 FM, unda el'a muestra desapunta cu e hecho cu a kita e organizacion di festival di tumba door di dje y pase den man di comerciante priva.

Mas cu claro ora cu ta pasa un festival den man di comerciante priva, esaki tin su meta, esta haci ganashi cu lo bay termina den man priva.

Esaki ta pa prome vez cu mannan priva ta tuma over nos Carnaval, pasobra den tur e añanan di existencia di SAC, nunca a favorece ningun compania priva cu e festivalnan.

Mas leu e comentarionan ta bisa cu e organizacion di Carnaval ta haya casi 400 mil florin di Gobierno di Aruba, algo cu SAC nunca a haya. Cu e 400 mil florin, e organizadornan nobo no por organiza carnaval nan mes? Nan mester bay deal, negosha,

bende e festival cu comerciante priva?

Cu tur e critica cu nan tabata tin riba SAC, ta dicon anto? Ta pa nan tume over y pa privatiz'e?

Comentarionan di carnavalistanan tabata basta skerpi den weekend, unda tur a keda babuca di e decision aki pa otorga e festival den man priva, pa falta di nan propio capacidad, indicando asina cu nan no por, nan no kier, nan no ta interesa y pues ta incapaz.

Hopi awe lo kier a tende e palabranan di Milio Croes dfm, e tata di Carnaval di Aruba cu a dirigi nos carnaval pa 50 aña, sin ningun florin di gobierno. Mas cu claro e lo rechaza e direccion cu nos Carnaval ta bayendo, unda e colmo ta cu ta hink'e den man priva, unda ganashi ya no ta bay mas pa Carnaval pero pa saco priva.

Otornan a lamenta e hecho cu ta Gobierno di AVP

a start cu e gastamento di placa aki y awor pa colmo Gobierno di MEP no por corigí e eror aki y a adopt'e, unda ta sigui gasta casi 400 mil den Carnaval.



**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500